

VOROUWUAD

Wans eing frougs, fia wen und fia wos i dei Gschichtln aufschreiw - i kauns nit genau sogn.

Es is hold asou das mas imma wida dazöld kriag und irgandwounn, wan nix nidagschriebm is, woäß kuana mehr, oder aus drei Gschichtn wiad uani. Und weil dei Gschichtl, a wans nit nur Wirklichs widageibm, a a wengerl wos va insara Loundkultur sei, schreiw is hold auf.

Oubs olli woa sei, is nit wichti, wichti is, das woa sei kinntn. Wan si owa uana widadakennt in a Gschicht und er is deisweign hab, doun is dei Gschicht frei erfuntn und olls nua a Zufoll.

Af hianzisch deisweign, wal si sou mouncha fia dei Spro(ch) fölli schaumb. Onast is jo nit zan vastei, das, wan uana amoul weida wia va da Tischhaxn bis za da Oufnbong ausikimmt, glei beißa reidn muis. Dou kindat ma ins va d`Steira und Kerntna a Scheim oschnein. Oder kennts eis an Steira, der nit nouch 20 Jua Wianorwat a nou kollt, olswia Hund ? Oder an Kerntna, der nit oliwal nou Lei-Lei sog ?

Wans owa gschloud, das ban leisn va den Biachl, nua Uana sog, eigendli ist deis a Spro(ch), dei ma reidn sult, bi i scha zfriem und gfrei mi wira Schneekenni.

Da „dat“, deis is d`Rechtschreiwung va da Mundort, hout mi ban schreim nit aufgholdn, wal va dein hold i nix. Wia sulltn a Wiana, dei ma e nit sou gen meign, ins voahupfn kinna, wia ma zan schreim und zan rein hom. I schreiw uafoch a sou, wia mas sog.

Erklern tui i dei oldn Ausdrick a nit. Frougs liawa irgandwen, oft wiad wenigstns hianzisch greit.

Uan Tip koun i eng nou sogn: Wans deis Biachl kaft hobs, zan Geburtsto oda za Weihnochn gschenkt griag hobs und eis kinnts as nit leisn, oft leigts as ban kirzastn Tischhaxn inta, oft wogld schia da Tisch niama.

Vü Gschpoaß